

MUŠIĆ ZIJAT

POS LANIK PREDSTAVNIČKOG DOMA PARLAMENTA
FEDERACIJE BOSNE I HERCEGOVINE

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Datijeno: 25-02-2022			
Org. jed.	Broj	Priloga	Vrijednost
01,02	-02-	488	22

PARLAMENT FEDERACIJE BOSNE I HERCEGOVINE

PREDSTAVNIČKI DOM n/r G-din **Mirsad Zaimović**, predsjedavajući
DOM NARODA n/r G-din **Tomislav Martinović**, predsjedavajući

Na osnovu člana 179. a u vezi s članom 163 i 172 Poslovnika Predstavničkog doma Parlamenta Federacije Bosne i Hercegovine, podnosim **ZAKON O IZMJENAMA ZAKONA O PRIJEVREMENOM POVOLJNIJEM PENIZONISANJU BORACA/BRANITELJA ODBRAMBENO-OSLOBODILAČKOG RATA**, radi njegovog razmatranja i usvajanja po skraćenom postupku.

Obrazloženje prijedloga da se Prijedlog zakona razmatra i donese po skraćenom postupku:

Odredbama člana 172. Poslovnika Predstavničkog doma Parlamenta Federacije Bosne i Hercegovine, uređeno je pitanje donošenja zakona po skraćenom postupku, te je predviđeno da ukoliko nije u pitanju složen i obiman zakon, podnosilac prijedloga zakona može umjesto nacрта podnijeti prijedlog zakona i predložiti da se prijedlog zakona pretresa po skraćenom postupku bez nacрта zakona. Kako se u konkretnom slučaju radi o zakonskim rješenjima koja nisu obimna, a predložene izmjene imaju za cilj eliminaciju postojeće nejednakosti koje su nastale različitim zakonskim rješenjima Federacije BiH, a u vezi isplata penzija ostvarenih po zakonu o PPPBOR, a da su predložene izmjene jasne, precizne i omogućavaju primjenu istoga bez mogućnosti različitog tumačenja, čime se u konačnici i ostvaruju temeljni ciljevi jednakosti pred zakonom i ispunjavanje osnovnog razloga njegovog donošenja, predlažem da se prijedlog Zakona razmatra i donese postupku u skladu s članom 172. Poslovnika. Predloženim zakonom djelimično se eliminira diskriminacija vojnih penzionera.

ZASTUPNIK
MUŠIĆ ZIJAT

Z A K O N
O IZMJENI I DOPUNI ZAKONA O PRIJEVREMENOM
POVOLJNIJEM PENZIONISANJU
BRANILACA ODBRAMBENO-OSLOBODILAČKOG RATA

Član 1.

U Zakonu o prijevremenom povoljnijem penzionisanju branilaca odbrambeno- oslobodilačkog rata („Službene novine Federacije BiH“, br.41/13 i 90/17),

U članu 14. Tačka (3) se briše

Sadašnja tačka (4), postaje tačka (3), tačka (5) postaje tačka (4), tačka 6 postaje tačka (5)

Član 2.

Član 16a mijenja se i glasi:

Čl.16a

Korisnicima prava iz ovog Zakona penzije/mirovine uskladjuju se i povećavaju svake godine Prema Odredbama Zakona o penzijsko invalidskom osiguranju u F BiH.

Član 3.

U članu 23. riječ čl.3 i 4 zamjenjuje se riječima “član 3”, iza stava , dodaje se novi stav 2 koji glasi:

Prava iz člana 4 ovog Zakona će biti predmet redovne kontrole u skladu sa članom 19 ovog Zakona.

Član 4.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

III OBRAZLOŽENJE POJEDINIH ODREDBI ZAKONA

Članom 1. u Zakonu o prijevremenom povoljnijem penzionisanju branilaca odbrambeno- oslobodilačkog rata

U članu 14. Tačka (3) brisati.

Sadašnja (4), postaje tačka (3), tačka (5) postaje tačka (4), tačka 6 postaje tačka (5)

Obzirom da je dosadašnjim propisom Ratnim Vojnim Invalidima rokom ograničeno pravo na podnošenje zahtjeva za uvođenje u pravo čime su lica koja su propustila rokove iz bilo kojih razloga (zaposlenje, neobavještenost o pravima, postupak utvrđivanja procenta invalidnosti u toku i sl.) čime se takvim potencijalnim korisnicima uskraćuje pravo po Zakonu.

Brisanjem tačke (3) u članu 14 otklanja se postojeća diskriminacija

Član 2.

Član 16a mijenja se i glasi:

Čl.16a

Korisnicima prava iz ovog Zakona penzije/mirovine uskladjuju se i povećavaju svake godine Prema Odredbama Zakona o penzijsko invalidskom osiguranju u F BiH.

Izmjene koje su donesene po Zakonu usvojenom i objavljenom u (Sl.Novine F BiH broj 90/17) usvojena norma u članku 16a je u koaliziji sa kasnije usvojenim Zakonom o PIO/MIO objavljenim u (Sl.Novine broj 13/18) čime su korisnici penzija po Zakonu o PPPBOR diskriminisani i kroz poslednja uskladjivanja znatno oštećeni.

Naime odredbom postojećeg člana 16a Zakona o prijevremenom povoljnijem penzionisanju branitelja OR, propisano je da se

korisnicima prava iz člana 3. i člana 4. Tačka 5. Zakona penzije uskladjuju svake godine prema porastu indeksa potrošačkih cijena na godišnjem nivou u F BiH u predhodnoj godini, a prema podacima Federalnog zavoda za statistiku.

Upoređujući Odredbe Zakona o PIO/MIO (Sl. Novine F BiH broj 13/18) propisano je da se penzije uskladjuju 15. aprila svake godine na način da se uskladjenje vrši u visini zbira 50% procenata porasta potrošačkih cijena i 50% procenata porasta realnog bruto društvenog proizvoda u Federaciji u predhodnoj godini a prema podacima Zavoda za statistiku F BiH.

Imajući u vidu da je istoj kategoriji, penzionerima procenat uskladjivanja znatno različit:

godina	Uskladjivanje po Zakonu o pppb (čl.16a)	Uskladjivanje po Zakonu o PIO/MIO(čl 79)
2018	1,7%	3,5%
2019	1,6%	3,5%
2020	0,6%	2,8%
ukupno	3,9%	8,8%

Čime su korisnici prava po Zakonu o pppb oštećeni do sada za 4,9% te daljom primjenom postojećih propisa ovaj procenat bi znatno uticao na standard života branitelja.

Koristeći načela pozitivnih propisa Zakonodavac je u obavezi da prilikom donošenja propisa otkloni diskriminaciju i korisnicima stečenih ličnih prava priznaje povoljnije rješenje

Obrazloženje člana 3.

Obzirom da process revizije po zakonu o potvrđivanju kontrole zakonitosti korištenja prava iz oblasti branilačko-invalidske zaštite mogao okončati, jer revidiranjem korisnika prava, pod uslovom iz člana 4

Zakona o PPPBOR članom 19 Zakona o PPPBOR (sl.novine Federacije BiH br 4/13 I 90/17) predviđeno je da redovnu kontrolu ovih predmeta vrše nadležne inspekcije ministarstva, kao i na druge zakonom propisane načine, zbog čega je predložena izmjena i dopuna člana 23 ovog Zakona.

Član 4. sadrži odredbe o stupanju na snagu zakona a razloht „skraćenog postupka“ je upravo potreba da se Zakon počne primjenjivati odmah radi uvođenja u pravo na dan 15.aprila 2022.godine.

IV-FINANSIJSKA SREDSTVA

Za provođenje ovog zakona nisu potrebna dodatna finansijska sredstva iz Budžeta Federacije Bosne i Hercegovine za 2022.godinu.